



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Methodus Clara Et Facilis Vacandi Orationi mentali Atque  
Exercendi se cum fructu in præsentia Dei**

**Coloniæ Agrippinæ, 1687**

2. De extremo judicio

[urn:nbn:de:hbz:466:1-46004](#)

Optavero. Extremum hocce momentum semper mihi meipsi ob oculos proponam, ut illuc omnes meas referam cogitationes, sermones & actiones.

Eheu ! quid est vita hominis, quæ non perdurat nisi ad breve momentum, quamque statim ab hoc momento, imò vel hoc ipso momento mors forsitan abrumpet ? Ut quid amamus aut magnificimus res terrenas adeo inconstantes, ut pulveri, quem ventus asportat, persimiles sint ? Illorum nobis possessio certa non est, nisi pro unico temporis momento, at earum infelix amor infelicitatem nobis causare potest ac molestiam sempiternam.

Cur quæso in deliciis habeo corpus illud, quod aliquando terræ inhumatum esca erit verminum ? Verum cur non potius illud affligam pœnitentiis atque in omnigenis exercebo bonis operibus, quia hoc unum est, quod ei beatam asserere potest immortalitatem. En desideria ac proposita mea, mi Deus, quæ, obsecro, ut gratiâ tuâ confirmes, atque illa ad majorem tuam gloriam proque tui amore perficiendi animum addas ac media subministres.

### *2. De Extremo Judicio.*

**A**Nima, quæ consideraverit rationem, quam in die illa terribili reddere debet exactissimam, futuram illic peccatorum, quantumvis secretissimorum, evulgationem, pudorem, quem in illo generali conventu subire debet, Judicis severitatem, sententiam æternæ sive felicitatis sive infelicitatis decretoriam,

anima, inquam, illa ordinariè hos persentiscet  
affectus.

1. Pudoris certi commissorum peccatorum,  
quæ ex apertione libri conscientiæ, in quo illi  
omnia sunt descripta, omnibus creaturis ma-  
nifestabuntur.

2. Vivæ apprehensionis eorum, quæ ratio-  
nem istam exactissimam consequentur.

3. Firmioris propositi nihil unquam facien-  
di in occulto, ex cujus manifestatione erubescere  
debeat.

4. Propositi quoque certissimi suarumme-  
*Sin os met- rationum conficiendarum, antequam illa i-  
sp̄sos diju- dicaremus non utiq;\_ Deo exposcantur, seque peccatorum debito  
judicare- exonerandi per seriam pœnitentiam, ut ita ju-  
mūr. dicii istius rigorem evadat. Quos quidem af-  
fectus hac ratione poterit exprimere.*

*2. Cor. II. v. 31.* Eheu! quid faciam? quid dicam? & quid  
respondebo, ubi publicabuntur omnia peccata  
mea, præsertim hæc & hæc, quorum sineru-  
bore nequidem possum recordari? quid fa-  
ciam, ubi consistere debebo in medio istius  
magni conventus infinitæ multitudinis, oculis  
undique in me conjectis, absque eo quod  
me abscondere possim aut in minimo excu-  
fare?

Tunc (heu miserum me & insensatum!)  
tunc, inquam, prodentur omnes artes illæ,  
quibus ad offendendum Deum, ac proximum  
circumveniendum, prodendumque usus fui,  
totidem ignorantia, quas equidem esse putabam  
quam occultissimas, quæque jam coram toto  
mundo pudore me afficerent intolerabili, si  
innotescerent.

Ompl-

Omnino constituo, firmiterque propono, mi Deus, vitam agere tam in occulto quam in propatulo adeo veracem & candidam, ut nullam habeam causam metuendi, ne quando illa coram cunctis nationibus in conspectu throni tui congregatis publicetur.

Verum omnino formido faciem tuam justè ira accensam, supreme Judex; Heu me! quid fiet, ubi comparere debebo coram Judice tam accurato, tam severo, tamque inflexibili, qui nihil dissimulat, quem nihil latet, quique bona æque ac mala opera examinaturus etiam in iis, quæ justissima nos putamus ac perfectissima, inveniet quod coarguat: Verum quid fiet de me post istud examen adeo rigorosum? Nunquid audire debebo sententiam illam horribilem adversum me pronunciari: *Recede à me, maledicte, in ignem aeternum?*

Absit, absit, si tibi placet, mi Deus. Recordare, obsecro, misericordiarum tuarum in die illa terroris ac formidinis. Ne, quæso, perdas animam illam, quam pretioso tuo sanguine redemisti. Quod si, ut tuæ satisfiat justitia pro peccatis meis necesse est, ecce paratus sum ad modò præstandam satisfactionem, ideoque jam tum incipio meam ipse rationem inire, atque in meipso ac per meipsum punire totius anteaqtæ vitæ meæ delicta.

Age, age, anima mea, ex hoc ipso momento pœnitentiam agere incipiamus. Multo enim satius est pro modico tempore pati in hac vita præsenti, quam in futura

persentiscere debere gravissimam manum Dei non injustè nobis intensi. Ex nunc ergo, mihi Deus, constituo me exercitare in austerritate, pœnitentia, & peccatorum meorum accusacione, ut propitiostu mihi fias in illa die iudicij universalis ac decretorii.

3. *De Pœnis Inferni.*

**E**odem modo ubi quis consideraverit pœnas inferni, incredibilem videlicet illum ardorem flamarum devorantium, conscientiæ vermem, horribilem, ob regnum cœlorum amissum, tristitiam, terribilem cacodæmonum visionem, mortum serpentium, aliaque similia tormenta, caque æterna, anima ut plurimum, veluti etiam in præcedentibus considerationibus, istos in se persentiscet affectus:

1. Justæ formidinis, ne in abyssum illam æternam detrudatur.

2. Ingentis horroris aduersus peccata, quæ damnationis istius causa existunt.

3. Gratiarum actionis, quod fuerit retracta à via perditionis, quæ illuc ducebatur.

4. Consolationis medias inter pœnas nostras, quandoquidem cum pœnas meruissemus inferni, Deus illas in temporales ac levissimas hujus mundi commutans, illis est contentus.

5. Propositi saepius in hac vita cogitationibus descendendi ad infernum, quo ita re ipsa post mortem illuc descendere necesse non habebat. *Descendant in infernum viventes*, ait

Pſ. 14. v.  
39,

Pſal-